

西北民俗文獻 第七卷

中國西北文獻叢書



中國西北文獻叢書·第四輯

西北民俗文獻

第七卷



新學
知
PDG

一九九零年

十月

中國·蘭州

西北

文庫

第一卷

西北文庫

目 錄

雪泥三記

民國 鍾彤濤

三

青海旅行記

民國 曹瑞榮

五一

玉樹志略

民國 曹瑞榮

九一

西北的剖面

民國 楊鍾健

一六一

雪泥三記

彭契聖題篆

雪泥三記序

民國十二年余遊敦煌千佛洞成遊千佛洞日記一篇明年蘭州新闢公園成因爲蘭州公園記又明年以文字役數數往寒節園復成節園記一篇三文皆不立格局如題實寫頗有合於今之所謂寫實派因合鈔爲一篇又余夙昔論文恆黜浮詞而尊實學列三不朽斷非無益之文雖才力限人心與文左而未嘗不以此自勉是以遊記文字頗少惟其少也故不妨別爲一篇非謂此三文較勝於他文也湘潭黎雨民先生爲定名曰雪泥三記岳陽萬寶承先生見而好之爲出貲以活字板印行余維揚子草太玄而劉歆譏其祇堪覆瓿余文乃爲友朋矜寵若

此何幸不幸相去懸殊也寶承少挾策從戎有戰績歷宰大邑
所至有聲今息影林園屏絕萬慮而獨好余文殆所謂嗜好與
俗殊酸寒者耶排印既竟爰自述其緣起如此

民國十六年八月甯鄉鍾彤濫自序

使肅紀程之一 改定本

甯鄉鍾彤雲筑甫著

是篇本余民國十二年使肅紀程中之二日日記以紀敦煌千佛洞較詳朋輩多從借鈔因錄出別爲一篇俾欲知千佛洞原委者咸得先睹爲快云彤雲自記

八月二十日（即癸亥七月初九日）晴午後二鐘驅車出敦煌南門往遊千佛洞同遊者三人陸君階平彭君鍾秀周君鏡珊也過下永豐渠又過上永豐渠二渠皆白黨河上游引來下渠長二十二里上渠則長四十六里渠所經處扶疏綠樹下映清波微風送涼肌骨爲爽平疇綺錯村落星繁絕不似邊塞風景

幾疑身在三湘七澤間矣。四十里至千佛洞。舊有千佛洞。今廢久矣。千佛洞之名。舊不爲人重視。自洞中藏書藏經發見後。近世不傳之書籍。多爲英印度政府官吏。匈牙利人。斯坦因。博士及法人伯希和。輦歸其國。於是海外各國。咸知敦煌有千佛洞。而吾國人。知此名者。轉少。卽手持洞中藏經之人。亦祇曰敦煌經。敦煌經而已。余居省城久。足跡不出近省三百里者。幾十年。矧茲洞遠在千餘里外。關山修阻。縮地無方。茲忽於風塵鞅掌中。得償宿願。又况洞中藏經。余所得頗多。正如富於著作之人。久已熟其言論。想其風采。忽於僕僕道途中。停車傾蓋握手言歡。其忻慰爲何如耶。時則山頭霧斂。如迓輶車。洞口雲飛。如

開笑罍昔人有登山聞呼萬歲三者茲如有言必爲歡迎也無疑千佛洞之名本專以名佛洞者今則山亦以此名省志縣志均不載洞在何山而輿圖則竟以千佛洞爲山名按徐松西域水道記鳴沙山東麓有雷音寺又曰千佛巖是茲山應名鳴沙山省志縣志均小誤矣山高而平鑿佛洞處壁立如削長約二里餘遠望若蜂窩密集而門則爲長方形與蜂窩異又若燕巢高懸而洞則豎列三層與燕巢異求其比擬形似其惟今之三層洋式樓房乎時天已昏黑遂息於洞西第一大寺住持爲湖北王姓道人寺壁有唐大中碑審視其文係張義潮以瓜沙州歸唐寺僧因立碑刻大中五年五月二十一日勅文寺廡下復

有臥碑長約三尺餘就視則元莫高窟碑也蓋元至正八年戊子五月十五日功德主速來蠻西甯王暨妃子屈木造像碑上截作龕形龕中作佛像像左右暨上方各作二行分用六體字書唵嘛呢叭吽字額正書莫高窟三字旁正書起初二小字曩余得此碑不知窟之所在以詢人亦無知者羅振玉鳴沙石室秘錄謂石室千餘皆謂之莫高窟是莫高爲諸洞之共名矣然山麓佛洞千餘洞又分上中下三層最上者固可名爲莫高其最下一層亦謂之莫高可乎且據蔣超伯南游楷語尙有睡佛洞如來窟等名則洞各有名可知又西域水道記有千佛巖之莫高窟之語是莫高特千佛巖中一窟耳安得謂石室千餘

皆謂之莫高耶記載既不可考則惟有求之目觀而茲碑乃側臥寺廡久與窟離終不能定窟之所在世恒謂事須目觀若茲碑所在雖目觀亦奚益耶

二十一日晴早七鐘出寺後門往遊千佛洞不數武卽抵第一大洞世所共珍之藏書藏經卽自此中發見者也洞口爲長圓形厚約丈餘闊纔數尺審視山爲碎沙細石粘土三種結合而成非純粹石塊也藏書及經之洞卽在洞口左右壁上門爲圭形高二尺餘闊二尺餘距地亦約二尺餘今爲道人貯藏雜物之處洞之發見在清光緒二十五年六月因洞門填砌沙石年久自崩人因而掘之得洞焉而傳者率謂洞爲沙掩某年沙忽

爲風吹開因得洞門皆訛以傳訛也然而談者既自以爲是聽者亦卽遞相祖述莫知其誤千載下安知不以誤爲不誤以不誤爲誤耶鳴沙石室秘錄謂壁上加以象飾故不能知其爲藏書之所此亦有誤實則洞口滿填沙石與山一色人自不覺其爲洞非別有象飾也大洞口小而深猶葫蘆然頸甚狹而腹固甚廣也此洞爲千佛洞中第一大洞然門旣狹小又別無窗戶以納光正午亦不甚觀物入者須攜燈燭夏亦極寒入者須着棉衣余與陸彭周三君皆易棉衣秉燭以入古有五月披裘者今則新秋衣棉矣古又有秉燭夜遊者今則白日秉燭遊矣洞有佛像十餘中坐者座甚高前立金剛像四皆極威猛有脚踏

開笑盤昔人有登山聞呼萬歲三者茲如有言必爲歡迎也無疑千佛洞之名本專以名佛洞者今則山亦以此名省志縣志均不載洞在何山而輿圖則竟以千佛洞爲山名按徐松西域水道記鳴沙山東麓有雷音寺又曰千佛巖是茲山應名鳴沙山省志縣志均小誤矣山高而平鑿佛洞處壁立如削長約二里餘遠望若蜂窩密集而門則爲長方形與蜂窩異又若燕巢高懸而洞則豎列三層與燕巢異求其比擬形似其惟今之三層洋式樓房乎時天已昏黑遂息於洞西第一大寺住持爲湖北王姓道人寺壁有唐大中碑審視其文係張義潮以瓜沙州歸唐寺僧因立碑刻大中五年五月二十一日勅文寺廡下復

有臥碑長約三尺餘就視則元莫高窟碑也蓋元至正八年戊子五月十五日功德主速來蠻西甯王暨妃子屈木造像碑上截作龕形龕中作佛像像左右暨上方各作二行分用六體字書唵嘛呢叭嚩吽字額正書莫高窟三字旁正書起初二小字義余得此碑不知窟之所在以詢人亦無知者羅振玉鳴沙石室秘錄謂石室千餘皆謂之莫高窟是莫高爲諸洞之共名矣然山麓佛洞千餘洞又分上中下三層最上者固可名爲莫高其最下一層亦謂之莫高可乎且據蔣超伯南游語語尙有睡佛洞如來窟等名則洞各有名可知又西域水道記有千佛巖之莫高窟之語是莫高特千佛巖中一窟耳安得謂石室千餘

使肅紀程之一

改定本

甯鄉鍾彤雲筑甫著

是篇本余民國十二年使肅紀程中之二日日記以紀敦煌千佛洞較詳朋輩多從借鈔因錄出別爲一篇俾欲知千佛洞原委者咸得先睹爲快云彤雲自記

八月二十日（即癸亥七月初九日）晴午後二鐘驅車出敦煌南門往遊千佛洞同遊者三人陸君階平彭君鍾秀周君鏡珊也過下永豐渠又過上永豐渠二渠皆白黨河上游引來下渠長二十二里上渠則長四十六里渠所經處扶疏綠樹下映清波微風送涼肌骨爲爽平疇綺錯村落星繁絕不似邊塞風景